

卜筮全書

卜筮全書卷之十一

黃金策

四

○求名

書讀五車。固欲致身于廊廟。胸藏萬卷。肯甘遁跡于丘園。要相國家。當詳易卦父爻旺相。文成擲地金聲。鬼位興隆。家報泥金喜捷。

凡占功名。以父爲文章。鬼爲官職。二者一亡一三。缺一則不成。若父爻旺相。文章必佳。官鬼待地。功名有望。士人及第。以泥金灼字附家書。以報謂喜信。故借引之。非以鬼爲吉信也。讀是篇者。勿以辭害義。

財若交重。休望青錢之中選。福如發動。難期金榜之題名。

財福二爻。凡占皆喜見之。惟上功名。反爲惡殺。蓋財能尅父。子能尅鬼故也。但宜休囚安靜。尅父尅鬼。尅發動。大無成望。

兄弟同經。乃奪標之惡客。

五行同類者。爲兄弟。求名見之。乃是與我同經之人。若不上卦。或落空亡死絕。大象遇吉者。必中魁首。如發動。或月建日辰俱帶兄弟。則同經者多。必能奪我之標。不得中矣。總大象可成。名亦落後。

日辰輔德。實勸駕之良朋。

日辰爲十卦之主。能成事。亦能壞事。如父母。無氣事必難成。若得日辰扶起。尅制惡殺。尅舊有。

望故曰輔德。或世爻衰靜得日辰生合。或世爻空
亡得日辰衝實。主其人必不上前求名。而有發
勸其進取。或資助盤費。輔其前往求名也。

兩用相衝題目生疎而不熟

求名卦以官爻爲用爻。喜合而不喜衝。若
見兩官兩父相衝。主出題生澀不熟也。

六爻競發功名恍忽以難成

占官六爻皆喜安靜。止要父母官鬼有氣不空。月
建日辰不來傷尅則吉。如有一爻發動。便不順利。
且如財動則傷父。子動則傷官。兄動則他。凡動則有
先。鬼動則事體有變。父動則文不純正。凡動則有
變。變出之爻。又有死墓空絕刑尅等爻。皆爲破敗。
故凡亂動卦。不必仔細推究。其不吉大槩可知矣。

月尅文書程式背而不中

父旺不空。動父日辰。又不衝尅。其文字字錦繡。若遇兄弟刑衝。文章陳腐。無鮮麗之句。妻財傷尅。必多破綻。子孫刑害。乃是弄巧成拙。不宜引建衝尅。其文自行已意。必不中試官之程式也。凡帶父刑害。敗病等爻。及化出者。其文皆有敗破。不能錄取。

世傷官鬼仕路窒而不通。

世乃求名之人。大忌則福臨之。必難稱意。若持官鬼。或得官鬼生合。方有指望。若臨子孫尅制官鬼。是仕路不通。徒去求謀無濟也。

妻財助鬼父爻空。可圖僥倖。

父母空亡。名不可望。若得財爻發動生扶。鬼爻有煞。其事僥倖可成。然須子孫安靜則可許。蓋財不嫌發動者。以文書在空故也。

福德變官身位合亦忝科名。

卦無官鬼若得子孫發動變出官鬼生合世身事亦有成然須得文書有炁無損則吉此二條名雖有望皆不可許其高中魁甲蓋以卦象不出自然故也。

出現無情難遂青雲之志。

卦中官父俱全固是吉兆若不臨持身世或不生合世身或被世父衝剋或被月日破壞或臨死墓空絕皆謂無情雖在卦中與我無益所以難遂青雲之志也。

伏藏有用終辭白屋之人。

官父不全功名難望但看所伏者有用無用斷之如飛神不遇衝開伏神不遇提起謂之無用決主不成若飛神衝剋得開伏神提起謂之有用終是可成若得月建提起最吉日辰次之動爻又

次之。更得伏上飛爻在空尤妙。

月建尅身當被責。

月建爲考試官。若在身爻發動。刑尅世爻。而官爻失時者。必遭杖責。若化子孫。必遭斥逐。若化兄弟。廩膳生最忌之。輕則革糧。重則追罰。

財如生世必幫糧。

卦中父母避空。而財爻發動。生合世爻者。必有財糧之喜。月建帶財化財。或官化財。生合世爻。皆吉。大抵廩生小試。最不宜兄弟發動。或臨卦身世爻。或臨日辰月建。皆是革糧之兆。財爻無故自空。亦然。若得財臨身世。或伏世下。雖不稱情。糧必如舊。

父官三合相逢連科及第。

卦有可成之象。而又有三合爻動。會成官鬼局者。必主連科及第。大吉之兆。會成父局亦吉。會成財福二局。不利。會成兄弟局者。惟廩生忌之。餘皆無損益。

龍虎二爻俱動一舉成名。

青龍白虎俱在卦中動。來生合世爻。必中魁選。若持官爻。或持身世尤妙。此固非理。但借龍虎榜之象耳。然亦有驗。

殺化生身之鬼恐發青衣。

古言以子孫為殺。乘旺發動。必遭斥退。若得本官官鬼伏在世下。或卦身持鬼。或子孫自化鬼爻。生世終不脫白。無過降青衣而已。卦有財動。合住子孫。可用貲財謀幹。庶復舊職。

歲加有氣之官終登黃甲。

人龍乃天子之象。凡占功名。最喜見之。若臨鬼爻。是人臣面君之象。更得生旺有氣。必然名姓高標。病阻試期。無故空臨于世位。

動爻日辰不傷世爻。而世爻自落空亡者。謂無故自空。大凶之兆。試前占去不成。強去終不。輕則病重。則死。如在本宮內卦。在家即病。在三四爻。出門病。在五爻。途中病。在六爻。到考處病。在應爻。又屬他宮。則臨考有病。不得入試。若試後占其事。必不成。大象吉。名成身喪。

喜添場屋。有情龍合于身爻。

青龍主喜慶事。若大象既吉。更得龍動來生合世身。必然別有喜事并臨。不但名成而已。若空動爲虛喜。

財伏逢空。行糧必乏。

六爻無財。本宮伏財。又居空地。其人必无路賞。若
若世爻更在衰弱之鄉。則是貧窮之士。如逢月建
日辰動爻生合扶助。必得親友資其費用。
若得應爻動來生合。多是妻家看顧周全。

身與變鬼來試方成

卦遇不成之兆。而得卦身或世爻變出官鬼有爻
而本宮父母不壞者。今雖未成。下次必然中式也。
卦值六衝。此去難題雁塔。爻逢六合。這回必占龍頭。
凡事遇合則聚。逢衝則散。故占功名。得六衝卦。必
難求。六合卦。必易得也。然大體須以衰旺動靜參
之。不可執滯。

父旺官衰。可惜劉蕡之下第。父衰官旺。堪嗟張奭之
登科。

父母官里。皆要有炁無損。然後可成。若父雖旺相。官鬼空亡。或不上卦。是其人文字雖好。奈命無官星。亦不能中。如劉蕡之錦繡文章。竟不登第也。若父雖衰弱。得官爻旺動。扶起文書。是其人文字雖平常。而命中官星發現。可許有成。如張奭之文章。雖欠精美。反登高第也。若官旺父空。決至下第也。

應合日生。必資鶚薦。動傷日尅。還守雞膺。

父官死絕。名必不成。若應爻動。或月建日辰扶起。官鬼必須洩人推荐。或用財禮買求。方許有成。若遇月日動變傷尅。終然官爻有炁。亦是難求。

世動化空用旺。則豹變翻成蝶夢。

求名以官爻用爻。若得旺相不遭刑尅。必中下第。如遇世爻發動。變入死墓空絕。恐名成後。不能享福。游魂卦死干途中。歸魂卦到家而死。墓絕是太歲踰年而死也。

卦身

身官化鬼月扶則鵬程連步蟾宮

卦身為萬事之體功名尤宜看之最怕臨財臨福便不容易如得官爻臨之必有成望更若出現發動又化官爻而得月建生合者大吉之兆必主聯科及第非特京省一捷而已

更詳本主之爻神方論其人之命運

本主者求名本人之主爻也自占固以世爻論若代占則看是何人如子姪求名看子朋友看兄類此爻最怕化出忌殺雖大吉象未可易許其餘世爻同看如此按索吉凶自然應驗

雖賦數言總論窮居之得失再將八卦重推致用之

吉凶

○仕宦

爲國求賢治國之本致身輔相祿養爲先旺相妻財必得千鍾之粟。

木仕求名不要財爻巳仕貴人要見財爻蓋有爵必有祿未有無俸而得官者故凡占官員得此爻旺相俸祿必多休囚定然微薄卦中無財或落空亡未得俸祿財動逢衝任後因事減俸或日辰月建衝財而刑害世爻及官爻者恐有停俸罷職之患。

興隆官鬼定居一品之尊。

是爲官貴旺相有炁官高爵大休囚死絕官小職卑發動生合世爻或得月建日辰生扶必有陞擢遠播都下安靜不動而被月建日辰尅害者或世爻刑衝尅害者必無聲名聞望。

子若交重當慮剝官削職。

子孫乃傷官之殺。最喜空亡墓絕。尤宜安靜受制。則吉。若在卦中發動。所謀必不遂意。未仕則不能除選。已任則有奪官褫職之禍。鬼爻更若無。炁必至除名落籍。非但貶責降罰而已也。

兄如發動須防減俸除糧

兄弟乃劫財之神。空亡不上卦。或臨死絕安靜則吉。若發動未免費財。多招誹謗。俸祿亦不稱意。更與子孫同發。或就化子孫。必有除糧減俸之事也。持世臨身皆不利。

父母空亡休望差除宜勅

父母爻爲印綬文書。誥牒宜勅。奏疏表章。卦中不可無。宜旺不宜衰。扶世最吉。若持太歲有炁生合世爻。主有朝廷宣召。如加日建。多是勅制。及上司獎勵之類。最怕衝空化空。則多不實。衰靜空亡。必無宣勅。亦無差除。卦無父母。休望遷選。

官爻隱伏莫思爵位陞遷

官爻爲占官之象。若得臨持身世。或來生合世爻。不受月建日辰衝剋者。凡有謀望。必然稱意。若不。上卦或落空亡。雖出現。墓絕無炁。及受剋制。皆不如意。世身衝剋亦凶。

月建生身當際風雲之會歲君合世必承雨露之恩

太歲乃人君之象。月建是執政之官。若得生合世身爻。必有好處。惟怕衝剋世身。必遭貶謫。如月建扶出官爻。世爻者。必是風憲之職。太歲加父母扶出官鬼。及世爻者。必有天恩。更得日下生旺之地。尤美。衰絕逢空無用。

世動逢空官居不久

未任卦中世動。必無京官牧守。若是出巡之職。反爲順利。已任遇之。居官不久。更遇日辰動爻。

必不久
任政事。

身空無救命盡當危。

世父無故自空不拘已任未任必有大難甚至死亡若欲求謀幹事則主不成。

鬼化福衝當代職。

出巡官宜鬼爻發動牧守官宜鬼爻安靜若鬼動化子必有別官代職不然亦被他人所先也子動化鬼則先難後易或先凶後吉官福皆動亦主有官替代。

財臨虎動必丁憂。

凡占官不可無財亦不可發動若鬼爻有炁而得財動扶起必須用財謀幹方得陞遷若父母衰弱而遇此爻加臨白虎旺動者必有丁憂之事財化子子化財或財臨世動或子動而父母無故自空

者皆主

丁憂

日辰衝尅定然誹謗之多招

日辰刑衝尅世必招誹謗依五類推之如帶兄弟因貪賄賂或飲科大急帶財父因無調度或財賦不起帶子孫嗜酒好游怠于政事帶父母因事繁劇不能料理帶官鬼非酷刑則同僚不和已上皆招誹謗聲名必不能振若得世臨月建雖有誹謗不能爲害

鬼殺傷身因見災殃之不免

官鬼發動生合世爻爲用神傷尅世爻爲鬼殺用神扶世必有進取鬼殺傷身必有凶禍此化出六親斷之如化子有貶謫之憂化財有盜人之禍化兄主失財化父憂小口類已上不然身決有災病得世爻空望不妨

凡爻化鬼無情同僚不協

兄弟爲僚屬之官卦中鬼動化出兄弟衝尅世爻主同僚不和或兄弟化鬼刑衝尅害或兄帶三刑六害傷世皆然世尅兄爻是我欺他而不和也

太歲加刑不順貶責難逃

太歲出現動傷世爻必遭貶責更加刑害虎蛇等殺必有鎖紐擒拿之辱世爻入墓必受囚繫得動爻日辰有救庶幾無事但怕化出子孫罪終不免月建同看

卦靜世空退休之兆身空殺動避禍之徵

凡遇世爻空亡未任未有選期已任若六爻安靜月日歲君無傷而遇之乃是休官改政之象若鬼爻發動月日歲君傷尅而遇之者是避禍脫災之兆卦靜日衝欲歸而不放殺動日合欲避而不能

身邊伏鬼若非空。頭上烏紗終不脫。

凡遇凶兆。或得鬼。又臨身持世。或本宮鬼伏世下。雖見責罰。官職猶在。若不臨持身世。或不伏于世下。或雖伏。仍遇空亡者。必革官帶。爲民非止罪責。

財空鬼動。聲名振而囊篋空虚。

凡得官鬼動來生合世。又日月動變。又無衝尅者。爲官必有聲名聞望。更得財。又生扶合助。有氣不空。則既會做官。又會賺錢。內實貪賂。外不喪名。若財又或空。或伏。或臨死絕。則主聲名雖有。賄賂却無也。

官旺父衰。職任高而衙門冷落。

父母旺相。衙門必大。休囚。衙門必小。若官旺父衰。又非小去處。乃是冷落閒靜衙門。蓋官旺則父衰。

故也。官衰父旺則主職雖卑微却在衙門中治政。官父俱衰職卑衙小必非風憲之地。

職居風憲皆因月值官爻。

大抵它鬼旺相不臨月建。定非風憲之職。若臨月建。又得扶出世爻。決是風憲之任。必非府縣官也。更在日下生旺之地。尤爲風憲。如帶刑爻。多是鎮守邊陲之職。或掌兵權。或居刑部。在外亦是司刑之職。

官在貳司只爲鬼臨傍位。

鬼在世應爻上。或帶月建日辰者。必是掌印正官。若被世或在傍爻。則是佐貳之職。六爻無鬼而動。爻有化出者亦然。

撫綏百姓。兄動則難化愚頑。

凡任牧民之職。要財爻旺而不動。父母扶而下空。必是豐地富方。財爻空絕。父爻受制。則地瘠民貧。父母動臨世上。政必繁劇。兄弟持世。財賊不起。日帶兄爻衝尅世爻。手下人必要侮文弄法。壞我政事。若兄在傍。爻動來衝尅。則主頑民難治。兄化子。子化兄。而刑尅世身。恐有下民訟我之兆。更若世應衝尅與鄉。宜亦多不睦。

巡察四方。路空則多憂驚險。

欽差出巡。或封王採木。皆怕世應逢空。若路爻空之卦。主途中驚險。世在五爻自空。須防身死于外。有衝尅則不然。凡遇世在五爻動。及遊魂卦世動者。皆是出巡之職。

出征勦捕。福德興而寇賊殲亡。

凡任將帥之職。或征討之官。平居卜問。不宜子孫發動。主有降謀。敗責亦不宜應動尅世。主有不測。

變故若歲君月建衝動官鬼或世爻主有勅命征討之事如臨敵上問則喜子孫發動必成勦捕之功更得歲君月建生合仍有堅賞官鬼不作爵位當作賊寇論之世尅應亦吉

鎮守邊陲卦爻靜而華夷安泰

鎮守地方不拘文官武職皆宜六爻安靜世應生合比和日辰月建不相衝尅則鼯睡邊廷安然無警世應空亡亦吉若遇官鬼發動世應衝尅必多侵擾宜通變斷之

奏陳諫諍那堪太歲刑衝

凡欲奏對陳疏上章諫諍及赴召面君類皆忌動爻衝尅太歲亦忌刑尅世爻若太歲月建生合世必見詳允一來衝尅須防不測之禍歲君衰靜不帶刑害虎蛇主則不見取用非有大害動空化空亦是虛驚或有制伏衝散合住必得大臣申救應動衝尅世爻更防人奏劾

僧道醫官豈可文書發動。

僧道醫官及陰陽官皆要子孫出現有氣不空爲吉。父母發動必有災悔。父帶太歲月建日辰則非身有災病乃外來禍也。子孫自空亦有大難。然子孫只宜安靜。官鬼不宜空伏。雖兩全仔細爲妙。但隨職分以推詳可識仕途之否泰。

○求財

居貨曰賈行貨曰商。總爲資生之計。著所以筮龜所以上莫非就利之謀。要問吉凶但看財福。

財爲利息。福爲財源。二者占財用神。

財旺福興不問公私皆稱意。財空福絕不拘營運總

違心

凡遇財爻旺相子孫發動便是吉卦不拘公私財皆得稱意二者若財空爻或臨墓絕卽是凶卦不拘作何買賣皆違心願也

有福無財兄弟交重偏有望

財爲用神而不上卦必無可望若得兄弟發動無財可劫則反生扶福德財源有氣仍舊有望但主遲滯耳兄動而財空謂避空過旬生旺日財亦可得財若不空不伏而遇兄劫則爲下卦

有財無福官爻發動亦堪求

子孫藏伏財無生炁一遇兄弟便被劫盡須得卦有卦動或日辰是鬼剋制兄爻則用神無損亦可求謀并有子孫而官鬼動則有阻節反不易矣此象鬼爻生旺日得財

財福俱無。何異守株而待兔。

財福二爻。占財主象。有財無福。財必有限。有福無財。財必不實。財福俱無。焉能有望。守株待兔。喻妄想也。空亡亦然。

父兄皆動。無殊緣木以求魚。

父母爲絕源殺。兄弟爲劫財神。二者發動。財福俱傷。用神旣損。求之必如緣木求魚。必不可得。父化兄。兄化父。亦然。

月帶財神。卦雖無而月中必有。

月建爲提綱。若帶財爻。得時有無。總遇兄弟。衰不敵旺。必主財利厚。雖卦中無財。月中必然有。得出現尤妙。

日傷妻位財雖旺而當日應無。

財爻旺相生合持世乃是必得之象。若被日辰剋制其財總現必然無有。須過此日然後有得。

多財反覆必須墓庫以收藏。

卦中財只一位有無不空。生合持世皆美。若三五重太過其財反覆難求。必須卦中有財庫爻發動。謂財有庫藏必得厚利。財化財亦主反覆不定。

無鬼分爭又怕交重而阻滯。

無鬼之卦兄必專權財雖有無亦多虛耗。兄更發動必有爭奪買賣分散財物之患。然雖不可無官。又不宜動動則必有阻隔。若有剋制或被衝散或被合住雖阻不妨。

兄如太過反不剋財

兄弟乃占財忌殺。若有一位旺動。最爲不利。若月日動變。俱帶兄弟。重疊太過。則不專一。反不尅劫。至財爻生旺日可得。

身或兄臨。必難求望。

卦身一爻。占財體統。若持兄弟。不拘作何買賣問何財物。皆無利益。持世亦然。惟臨財福方爲吉兆。臨父主勞碌。若占六畜血財。則有損失。臨官大利公門求財。餘皆險阻不利。

財來就我。終須易。我去尋財。必是難。

凡遇財爻生合世爻。尅世持世。皆謂財來就我。必然易得。若雖動出財爻。而與世爻不相干者。謂我去尋財。必難望也。

身遇旺財。似取囊中之物。世持動弟。如撈水底之針。

世爲求財之人。若臨財爻。雖或無氣。亦主易得。旺相更美。若臨兄弟。雖或安靜。亦主難得。發動尤甚。福變財生。滾滾利源不竭。

占財。得子孫發動。利必久遠。更化財爻。生合身世。乃綿綿不絕之象。儘求則儘有也。財化子亦妙。

兄連鬼尅紛紛口舌難逃。

兄弟變出官鬼。刑衝尅世。不惟無財。且有口舌。父爻更動。必訟于官。若有救制。庶幾無害。鬼化兄。或兄鬼皆動。亦然。朱雀臨兄。鬼動變有口舌。

父化財必辛勤而有得。

父化財。不自然而得。必勤勞後得。兄化財。先散後聚。或利于後。不利于前。官化財。最利公門謁貴。及九流藝術之人。求財十分有望。私財則先驚後喜。或先阻後得。

財化鬼防耗折而驚憂。

財化官最凶。主損折虛耗。自有驚險。更傷世爻。切
恐因財致禍。財化兄。主與人分利。或先聚後散。或
利于前。不利于後。財化父。主得後艱辛。或只許一
度。財化死墓空絕。是有虛名。無實利之象。若得生
合世爻。則上前有
功。稍遲則無也。

財局合福神。萬倍利源可許。

卦有三合。會成財局。而子孫亦在合中動者。上吉
之卦。主財利綿綿不竭。更得財旺。可許萬倍財利。
會成福局。而財爻又在合中動來生合世爻者。亦
然。若會鬼局。則多阻隔。會成兄局。則主分散。會成
父局。艱
辛難得。

歲君逢劫殺。一年生意無聯。

凡占久遠買賣最怕太歲臨持兄弟主一年無利
出見變動必然損耗歲持官鬼一年驚憂持父
年艱辛歲持財福生
意滔滔一年順利也

世應二爻空合虛約難憑

世空有財難得應空難靠他人世應俱空艱辛無
准實空動帶合謂之虛約化入空亡亦是心口不
相應
之象

主人一位刑傷往求不遇

主人如求貴人財鬼為主求婦人財財為主類若
主人遇動爻日辰刑剋或自空化空皆主不遇遇
亦不利須得生合世爻財為粹愛求必易得主人
化出財爻生合世爻最吉不知土人以應爻論之
世持空鬼多因自己遲疑

鬼爻持世財必相生凡求必易若遇空亡乃是目不上前遲疑退懶故無成也世持空財亦然

辰合動財却被他人把住

要財動來生合固是易得之兆若被動爻日辰合住其財必有人把持主張不能與我也要知何人把持以合爻定之如父母合住爲尊長把持類卦若無財看伏何爻下亦可推之如伏官下爲貴人把持之類

要知何日得財不離旺衰生合

財爻有氣合日得財或本日得財太旺墓庫日得休囚生旺日得太過收藏日得合住入墓破合破墓日得旺空過旬日得伏藏提起日得財爻死絕而得子孫動來扶起卽以子孫爻斷卦無財爻面得兄弟生扶子孫財源者卽以兄弟爻斷更宜通變

欲決何時有利。但詳春夏秋冬。

凡占貨物何時得價。以財臨五行斷之。如木財。春月得價。一陽後亦好。土財。夏月有利。六月更美。火財。此又如財臨辰土。二月不如三月。財臨酉金。七月不如八月。亦倣此。又如財主日下長生之地。此貨一日得價。一日若坐帝旺。眼下正及時。稍遲則賤而無利。

合夥不嫌兄弟。

凡占合夥買賣。若世應俱財爻。必然稱意。兄臨卦身。世爻安靜不妨。蓋合必至分。財故也。動則不宜。世應兩動。必合不久。空亡亦然。相衝相尅。後必不睦。化出兄官。必多私心。世應生合而被動。爻日辰刑衝尅害者。必有挑唆破說也。

公門何慮官爻。

占財皆忌官動。主有阻隔。惟求公門之財。必然倚托官府。若無鬼爻。或落空亡。則雖財爻有氣。亦難到手。必得旺相生合世身。則吉。刑剋世爻。主有杖責。死絕亦不清事。須得財鬼兩全。方爲大吉。

九流術士偏宜鬼動生身

百工九流求財。以鬼爻爲主顧。無鬼最不利。出現發動。生合世爻。必無稱意。更化財爻。失得大利。須忌刑剋世爻。或化兄。皆主惹是非。不能遂意。應空尤不吉。大抵空手求財。雖要官爻。然須財爻旺相。兄弟不動。方主有財。否則空好看。終無財利。

六畜血財尤喜福興持世

凡占販賣生口。蓄養六畜。皆要子孫旺相不空。則吉。持世臨身尤好。父母發動。則有傷損。化出土鬼。須防瘟死。福旺財空。六畜雖好而無利。

世應同人放債必然連本失。

凡放私債最忌世應值兄弟。必無計處。財爻更絕。連本俱失。世應值空亦然。須得應爻生合世爻。妻財有氣。子孫發動則吉。間隔兄鬼動。恐放頭抽分。財利卦中無財。而官爻變出者。必訟于官。亦而後取。

日月相合。開行定主有人投。

開行牙人。占財。世應要不空。財福要全備。官鬼要有氣。父兄要衰靜。斯爲上吉卦。更得月建日辰動。父生合世爻。則近悅遠來。人皆投我。財利必順。卦若無財。而世得月日動。父生合者。不過門頭鬧熱。無實利。鬼旺財空亦然。動出兄官。常有是非口舌。或有惡人撓擾。世應空。開不成。

應落空亡。索借者失望。

求索假借不宜應空。應動動則更變。空則不遇。生合世爻。慨然不恪。必得物爻。不空爲妙。如衣服經史看父爻。六畜酒器看福爻。其餘財物看財爻。又如花果看木爻。饌瓦看土爻。類亦是。

世遭刑尅賭博者必輸

凡占賭博。要世旺應衰。世動應靜。世尅應我勝。應尅世他勝。兄鬼動來刑尅世爻。或臨兄弟。或臨自空。皆主不勝。世應靜空。賭博不成。世生官爻。防他合謀騙我。間爻動出兄弟官鬼。多主爭鬭。內外俱無財。亦不能勝。更遇世應空動。必是賭賂。兄鬼化財。先敗後勝。財化兄鬼。先勝後敗。坐方宜財福之地。世變財福。更宜易換賭色。大怕卦身臨兄弟。任換賭色。終是輸兆。

鬼尅身爻商販者必遭盜賊

販賣經商。要世應生合。鬼爻空伏。動爻日辰不傷乎我。則安然無事。更得財旺福興。大吉之兆。遇見

鬼發動。玄武交重。必遇劫竊之人。更尅世爻。決有大禍。世若空亡。庶可迴避。鬼動五爻。途中仔細。

間興害世。置貨者當慮牙人。

買貨者。應要生合世爻。必然易成。刑尅世。必難置買。物爻太過。其貨必多。物爻不及。其貨必少。物爻空伏。其貨必無。物爻者。六畜看子孫。五穀看財爻。絲綿布帛。看父母類。最怕兄鬼交重。須防光棍。詐騙在間爻。則是牙人虛詐不實。或有口舌爭競。傷尅世爻。當慮牙人謀劫財物。出路買貨。應空多不利。順。

停樹者喜財安而鬼靜。

積貨不宜財動。亦不宜空亡。又不宜動爻。日辰尅劫。更得坐于胎養長生爻上。後必得利。若遇兄官交變。或俱發動。須防竊盜。兄弟獨發。則多耗折。水爻父母刑尅世爻。主被雨水淹腐。財化死墓空絕。

後必
價賤

脫貨者宜財動而身興。

脫貨財動則主易脫。應空無人置買。世空自賣不成。動變日辰俱來生合。有人爭買。若遇刑衝則主多破阻難。或吁在內動。宜在木處賣。在外動。宜向他處脫之。動合將成不成。動而逢空。欲賣不賣。卦無官鬼亦足難成之象。

路上有官休出外。

五爻爲路。臨官發動途中必多驚險。出外求財大宜避之。要知有何災咎。以所臨六神斷。如白虎爲風波。玄武爲盜賊類。路爻空亡亦不宜出外。惟臨財福則吉。

宅中有鬼勿居家。

二爻爲宅。在家求財。忌動此爻。必然不利。以爲
五行斷。如火鬼忌火。燭水鬼忌盜賊。類得于係時
世發動。庶幾無害宅。
爻空亡。只宜出舖。

內外無財。伏又空。必然乏本。

六爻無財。本宮財爻。又伏空地。其人雖欲經營。必
無貲本。勉強爲之。亦無利息。若得動爻化出。主有
小小財利。

父兄有氣財還絕。莫若安貧。

父兄二爻。占財大忌。有發動刑衝尅害。利必不多。
財爻更弱。恐防拆本。故不若安貧守分之爲高也。

生計多端。占法不一。但宜誠敬以祈求。自可預知其
得失。

○家宅

創基立業雖本人之經緯。關風斂氣。每由宅以肇端。故要知人宅之興衰。當察卦爻之內外。內爲宅。外爲人。詳審爻中之真假。

內內卦初爻爲宅基。二爻爲宅舍。三爻爲門。外外卦四爻爲父母。五爻爲兄弟。六爻爲妻財。內卦宅主人。吉。外卦宅尅人凶。

合爲門。衝爲路。不論卦內之有無。

合爲門。衝爲路。卦爻內不必明見衝合。且如天風姤卦。二爻辛亥。水爲宅。寅與亥合。以寅爲門。巳亥相衝。以巳爲路。卦內本無寅。巳二爻。不明見姤。屬金。以寅爲財。巳火爲鬼。殺。如化財。此亦吉凶相半。

之

龍德貴人乘旺。嶽嶽之侯。門官星父母長生。潭潭之

相府。

青龍。官星。貴人。太歲。天德。月德。月建。日辰。歲德。臨宅。又身命。又上。生旺。有氣。主有官職之家。宜以分司。高下。貴人。即天乙貴人。官星。即甲見辛。類是也。

門庭新氣象。重交得合青龍。

交重。青龍。在日辰旬內。得長生帝旺。主新創造。生旺在休囚之中。主修舊合新。門之象。臨財。新修舊。財定。臨父。新修舊堂。臨兄。新修門戶。臨子。新修房舍。臨官。新修廳堂屋宇。

堂宇舊規模。宅舍重侵白虎。

自處交重。任口辰旬外。休區絕無生旺。主遠年遷造。破舊不整。休區在生旺之中。亦主拆舊換新。若臨足。舊門戶。臨子。舊牆壁。臨官。若除破損。臨父。舊堂宇。臨財。舊廚庖。或破古戶牖。低土地。化空移高。就低水爰。池塘填也。

土金發動。開闢之基。

土化金。金化土。爲開闢之基。土化土。爲墳之基。土化空。移高就低。餘倣此。

父母空房。租賃之宅。

父母爲文書。逢空爲無氣。更逢空爰。爲得日辰動。爰化文書。與宅相生相合。主是租賃之地。

門庭熱鬧。財官臨帝旺之鄉。

財鬼龍德貴人乘旺長生之位。臨宅生命世爰。主家門熱鬧。

家道興隆福祿在長生之地。

福卽福德祿卽祿元同龍貴在生旺之位臨宅人生身命世父主家宅興隆財鬼龍旺臨宅身命世父主一家熱鬧交重發旺亦美。

交重生尅重新更換廳堂。

生爲父父爲堂尅爲官官爲廳且如乾金土爲父爲堂火鬼爲廳帶日辰交重主更改再換。

世應比和一合兩般門扇。

比和乃兄弟世應化兄弟俱臨宅父或世應爲兄弟父俱合宅父主一合兩般門扇。

門路與日辰隔斷偏曲往來宅基與世應交臨互相

換易

且如巽卦辛亥水爲宅以寅合爲門以巳衝爲路
日辰與動爻臨卯辰二位隔斷寅巳二位主偏門
戶曲折還
鬼路也

世與日辰尅宅破祖不寧

世爻與日辰同去尅
宅爻主破祖不寧

宅臨月破尅身生災不已

月建相衝爲月破若動尅世爻及係占人身命爻
主生災未已若臨宅臨用破卽當破家宅臨之爻
在世世臨之爻在且宅并日辰動爻主換易宗族
之家基地應臨之爻在宅宅臨之爻在應并日辰
動爻易換外人基地宅臨等句乃
前宅基與世應爻臨註誤寫在此

應飛入宅合招異姓同居

應父外飛入宅父主
有異姓人同居合住

宅動生身決主近年遷住。

宅父動日辰之位在中。
主世身必主近年遷住。

門逢三破朽敗崩頽。

三破爲年月日衝破也。併動父臨宅。或尅宅主破
舊崩頽。臨官主廳破。臨父主堂屋破。或蓋覆傾頽
臨兄主門戶破。牆壁毀。臨子
財主房舍廂廡烟廚破壞也。

宅過兩空荒閣虛廢。

卦體宅父在日辰旬之空。更在命旬之空亡。主荒
閒虛廢。或是逃亡死絕之屋。白虎刑刃劫殺耗神
喪門弔客大
殺主大凶。

世臨外宅離祖分居。

宅爻與正卦世臨之爻相同。或與變卦世臨之爻相同。如明夷卦二爻巳丑爲宅。世臨四爻發爲世臨外宅。又如離姤卦巳丑爲宅。外卦世在辛丑。亦爲世臨外宅。巳上二卦爲例。餘倣此。動則離祖分居。不動則主偏宅。

應入中庭外人全住。

應爻爲宅爻。或宅爻爲應臨之爻相同。且如巽卦變離卦。內卦辛亥。水爲宅。外卦應居巳亥水。故爲應入中庭。應臨宅爻爲應爻相同。如剝卦內坤。印臨二爻乙巳火。又如離正卦內巽。辛亥。臨宅之卦。內離巳亥。臨印。應爲應入中庭。主外人同居。日辰同臨爲寄居也。

宅合有情之玄武門庭柳陌花街。木臨無炁之滕蛇。

蛇宅舍茅簷蓬戶

宅父駕鸞合玄武門庭桃花動父主女人淫慾如花街柳陌人也寅午戌兔從卯裏出之類是騰蛇木父死氣臨宅主
葬爛繩樞之地

鬼有助而無制鬼旺人衰

且如木命人占乾兌卦以火為官木能生火為鬼為助若卦體無水生火為鬼無制主人衰弱卦無子孫財父兩動亦為鬼有助而無制也若金命人助離宮水鬼水命人助坤宮木鬼火命人助坎宮土鬼
類

宅無破而逢生宅與財旺

歲月日三破不臨宅父更逢三件動父生宅父與財父旺相有氣為宅與財旺

有財無鬼耗散多端

有財則生鬼無鬼不聚財若無鬼
父爲宅無氣必主家中財物耗散

有鬼無財災生不已

鬼不宜動財不可無若鬼動無財
父更尅世身尅宅父主連生災咎

有人制鬼鬼動無妨

且如木命人占得坎卦以王爲鬼木命人尅土鬼
殺如或化木鬼雖重而無害金命人則制地艮宮
木鬼但以本命尅
鬼爲制乃無害也

助鬼傷身財多何益

以金命人占得乾卦以火爲鬼以木爲財木能生
火火能尅金有財爲助鬼傷身總然財多何益况

鬼動財樂
金在何益

忌鬼爻交重臨白虎須防人眷刑傷。

忌鬼爻變乃尅身之鬼併白虎交重發動值喪門弔客主人眷災殃。

催屍殺身命入黃泉大忌墓門開合

鬼動尅身命爲催屍殺動逢死氣爲黃泉路鬼尅身命逢死氣忌身命爻衝開墓門一衝一合日辰動爻合墓爲墓門開合凡卦中必見墓爻若暗墓一衝一合便是如甲子生人甲子日上是也。

木金年命最嫌乾兌卦之火爻。

木金年命人占得乾兌卦以火爲鬼爻木生火爻爲鬼能助火尅金爲殺傷身但本命生鬼爲助本命命爻鬼尅爲傷身金原木命皆然木命人忌震巽官鬼水命忌坎宮鬼是也。

水火命人不怕震巽宮之金鬼

水火命人占得震巽卦以金為鬼金能生水
火能剋金故水火命人不怕二宮之鬼也

官星佩印居玉堂乃食祿之人

玉堂乃天乙貴人官星乃甲用辛為官印乃三傳
之印綬應爻之數若有官有貴人有祿有印綬并
太歲生身命登金門而步玉堂之人身命受制主
先寵後辱親月建外郡官親日辰縣宰官有印無
祿有官無俸有官無印有祿無任人日辰并子孫
動主官有剝削之失日辰并財爻動主遷擢陞職
之變也

貴刃加刑控寶馬必提兵之將

貴貴人刃羊刃飛刃刑三刑貴人同得吉星相輔
刃加三刑臨貴人之位受太歲之生傍爻有馬乃

提兵將帥也。

財化福爻。入公門多致淹留。

日辰三合得財爻而無上選。子孫爲元祿。蓋財生鬼。財爲正選。無財則無正選。子孫制鬼。若財化子。不利仕官公門之人。

貴印加官。在仕途必然遷轉。

官帶印貴人臨世。併日辰旬中發動。在仕途必然遷轉之喜兆也。

子承父業。子有跨竈之風。

子命爻臨五爻之位。臨父母之身。相生相合。主有跨竈之風。相尅相刑。主有悖逆不孝。或不肖不能尅紹箕裘之業。父母之命爻臨子孫爻之身。主子承父廕。生合刑尅。依此斷之。萬無一失。

妻奪夫權。妻有能家之兆。

妻命臨夫身五爻之上。與夫相生相合。得內助能家之兆。若妻尅夫爻。主妻凌夫。或破夫家也。

弟終乃兄之臂身。命相傷。

弟身爻起臨兄之命爻。或兄身爻起臨弟之命爻。若相刑相尅。主不友不恭。若相生相合。主兄弟怡怡如也。

婦僭姑嫜之爻。家聲可見。

二爲媳婦之命爻。臨姑之身爻。相刑相衝。主凌尊上。悖逆不孝。相生相合。主順婦道也。

妻犯夫家之殺。妻破夫家。

夫家破耗二殺所臨之位。妻身命爻犯之。尅夫身命爻。主破夫家也。

夫臨妻祿之爻。夫食妻祿。

祿乃甲祿在寅。食乃甲食丙之類。如甲子生妻祿。在寅。夫身命爻臨之。遇食神。乃食祿順。食不逢空。鬼破耗等殺。更值生旺有氣者。主夫食妻祿。若逢梟神羊刃。空鬼耗破殺。雖食妻祿。亦無用矣。

交重兄弟尅妻身。再理絲絃。

妻身爻起臨兄弟之爻。發動傷身命。或夫臨兄弟爻。尅妻之身命。主琴絃再續也。

內外子孫生世位。多招財物。

內外子孫發動。併日辰生身。世之財爻。無空破衝尅。多招財物。有氣必有不期而會也。

世爲日辰飛入宅。鵲據鳩巢。

如乾之艮卦。內卦甲寅木爻爲宅。外卦丙寅爻持世。發動或併日辰與鬼飛入宅爻。主他人之屋。不

是祖居自創之屋或租賃之宅假如太過卦內巽辛亥爲宅外兌丁亥持世發動是也

應臨父母動生身龍生蛇腹

應臨父母居偏下之爻占者身爻臨之得木爻生之或即動生子身命主偏生庶出或隔胎之子前後父母生也身命俱臨父母重拜雙親

世應隔異兄弟多因兩姓

如晉卦巳酉金是世假如九未應隔申字之遞卦壬申金應真兄弟假如晉卦之遞卦外離爲假子何也離巳酉金假弟遞卦外有乾卦壬申金持世是真兄弟假如又如姤之明夷卦壬申金是真兄弟明夷外卦有癸亥水是假不合中旬酉字亦爲隔異之間并日辰應有親兄弟或日月建動又隔震亦依此斷姤卦應隔兄弟明夷卦應隔兄弟是餘皆倣此

應爻就妻相舍外人入舍爲夫

應爻飛入宅與妻身命相生相合主招外人入舍爲夫

假宮有子飛來異姓過房作嗣

假如子孫帶占身命或日辰是假宮飛來伏在身命之下主爲人異姓過房之子帶日辰旬與宮飛來主過人家之子飛動應爻過房與人也

妻帶子臨夫位引子嫁人

妻命帶子孫動臨夫位并日辰主妻引子嫁人是也

夫身起合妻爻將身就婦

夫身爻起臨妻命爻或夫命爻動臨妻身爻動并日辰爲之將身嫁婦也

本命就中空子見子應遲。

子孫同我生之爻。在日辰命旬之空。主見子遲。若胎絕。主孤害刑尅也。

身爻合處逢妻娶婚必早。

夫身爻起處合妻之命爻。見妻必早。妻身爻起合夫之命爻。婦嫁必早。

夫婦合爻見鬼婚配不明。

夫合之爻。妻合之爻。見鬼。主婚姻不明。但有合爻見鬼是也。

子孫絕處刑傷兒多不育。

子孫逢死絕爻。更受傷刑尅害。主子多不育難招。

夫妻反目互見刑衝兄弟無情互相凌制。

夫身爻并日辰動刑妻命主夫不和妻妻身爻并日辰動刑夫命主妻不和夫或妻命衝夫身夫命衝妻身王夫妻反目如風天小畜九三爻是也兄弟日辰尅弟身命爻弟帶日辰尅兄身命爻主兄相凌虐

日將與世身相生當主雙胎身命與世應同爻多應兩姓。

身世起合與日辰動爻同位兩生命者主雙胎全年之子或雙頂是也身臨世命臨應或命臨世身臨應是身命兩臨世應主有兩姓

妻財發動不堪父值喪門父母交重最忌子臨死絕

上有父母不堪財爻發動更兼父母值喪門用客爻主有尅害之患

妻尅世身重合應妻必重婚。

妻爻動尅夫命主尅夫并日辰又與應相合主妻再嫁若帶咸池與應爻相合并日辰動爻帶亡劫刑刀等殺尅夫身命爻主妻與外人謀殺夫主臨交爻主未來之事。

夫刑妻命兩逢財夫當再娶。

妻身命臨夫家刑殺之爻更逢尅處兩財主夫尅兩妻併日辰合傍爻之財主再娶夫併日辰動爻帶劫刃刑等殺傷妻命爻主遭夫毒手也。

妻與應爻相合外有私通。

妻身命爻與應相合咸池玄武桃花主妻有外情夫併日辰尅妻與應爻主獲妻姦夫併世應在三合之爻主從良爲媚日辰臨交爻主心意未絕妻帶財生應爻妻以財誘外人應帶財生妻爻外人

以財誘妻。應自外宮來。主遠方人。應自內來。近親之人。世爻動。帶鬼隔斷。爲家人間阻。應爻動。帶鬼隔斷。爲外人間阻。其情。

男臨女子互爻內多淫慾。

男身爻起臨女命爻。女身爻起臨男命爻。謂互。尊卑失序。主有淫亂事。若夫妻互相合。主先姦後娶。據理而詳可也。

青龍水木臨妻位。多獲奩財。

如財臨青龍水木。有氣。夫命臨之。更有氣。主得妻財多。命帶玄武財爻。有暗來妻財。如辛丑日下。得恒觀卦。是。

玄武桃花犯命中。荒淫酒色。

身命帶玄武桃花主貪酒色男則粘紅綴綠女則叶人牽惹

世應妻爻三合當招偏正之夫

爲世應財爻三合妻爻更逢兩鬼合身命主有偏正之夫

財交世應六衝必是生離之婦

妻身命爻值鬼爻與世應併日辰動破合重重相衝與財兩合或妻身命爻與世應動爻相衝或日辰相衝主是生離之婦也

世應爲妻爻相隔逢衝必招外郡之人

世應在日辰旬中隔斷妻爻或與夫爻相隔在日辰旬外逢衝主是外郡之人夫隔妻爻妻動在遊竟世應之外主他州人也

夫妻與福德相逢帶合必近親鄰之女。

男與財爻相近俱在本宮或卦中主婚姻近處就中合見子孫主因親致親或故親爲媒

命逢死炁最嫌煞忌當頭。

身臨命家日家逢死氣若日辰動爻併殺倘尅身命主有死亡之禍

鬼入墓鄉尤忌身爻流血

命爻帶鬼入墓怕身爻帶殺或受制最不吉之兆

惡莫惡于三刑迭刃

刑無刃不能傷人刃無刑禍亦不大若刑刃兩全帶殺尅身臨官主犯官符刑憲事玄武傷財劫賊圖財致命之事世併日辰動爻尅應帶殺主我傷他人應併日辰動爻帶殺尅世主他人殺我爲官

掌生死之權名楊夷夏若漁獵技藝之人禍當滅
沒否則疲癯殘疾之人若龍德發動凶中則有吉
象之

凶莫凶于四虎交加

日家應家白虎卽胎神月破白虎六神白虎太歲
白虎命家白虎卽日神白虎爲白虎重重臨宅尅
身主刑尅伏制之事若帶鬼殺重重併喪弔凶神
舉家遭禍死亡廢十幾八九若卦中龍德動主喜
事至則稍輕是
悲喜相半之兆

四鬼貼身防生災咎

貼身鬼帶破碎殺主有破相之疾乾主頭面小腸
喘急咳嗽之疾坎主兩耳腎間之疾艮主背脇手
指之疾震主下部腰足痛之疾巽主兩股兩腿頭
髮血氣之疾離主眼目心經之疾坤主腸間脾胃

之疾兌主口齒及
唇之疾餘倣此。

三傳尅世易惹災危。

三傳太歲月建日辰帶殺帶鬼尅世身命主宅丁
人眷災危太歲連年之禍月建主壘月之災殃也。

劫亡兩賊傷身青艸墳頭之鬼身命兩空遇殺黃泉
路上之人。

身命逢絕在旬中空亡亡神劫殺
帶鬼傷身尅命主有死亡之患

勾陳傷玄武之身財女多凶禍白虎損青龍之官鬼
男忌死亡。

墳墓

葬埋之禮。乃先王之所設。雖爲送死而然。風水之因。特後世之所興。禍福吉凶。攸係故蹟。占三代穴有定。又一世二世。子孫出王侯將相之英。世四世三。後嗣主富貴繁華之茂。絕嗣無人。端爲世居五六。爲商出外。祇因世在游魂。入純凶兆。歸魂亦作凶推。吉兆相生。相合亦將吉斷。

初子孫二母三兄弟。四妻妾。五墳。六祖宗。以前穴女從定爲正。如遇日辰長生之神。持金不必有石。或休囚死氣。更無別物。爲穴有定矣。穴葬之處。爲墓卦各有其名。而無其位。如金穴取金。墓在丑。便是。不必明見丑。餘倣此。又占墳飛得之傳。屬木。亡命屬土。不宜應上命。子孫不利。六太婆。五太公。四

婆三公二母一父又云六太婆
五太公四公三父二婆一母

穴騎龍龍入穴穴正龍真

穴帶龍來入穴更遇世臨穴父相生相合龍虎抱
衛有情爲龍真穴正又例若龍起穴在五黃中宮
亦是若逢衝動則又非若得
龍起于穴父則爲吉地是也

山帶水水連山山環水抱

山帶水爲朝帶來山與穴相合是山環
水抱重合生氣帶財福貴乃爲吉地

交重逢旺无聞雞鳴犬吠之聲

動逢生氣旺相水火父見
廚確聞雞鳴犬吠之聲

世應拱穴爻有虎踞龍蟠之勢

世應帶龍虎穴居世應之間。
生合有情主龍蟠虎踞之勢。

三合更兼六合聚氣藏風。

寅主山與龍虎日辰動爻逢三合
六合穴爻若合主藏風聚氣之勢。

來山番作朝山回頭顧祖。

應在朝山帶來山。
有回頭顧祖之勢。

死絕之鬼邊有荒墳長生之爻中有壽穴。

戊巳鬼死絕無氣之鬼主邊近有荒古之墳穴中
有長生旺氣主有壽穴內卦有生墓之穴法也。

合處與應爻隔斷內外之向不同。

內爲穴外爲墓合爲向假如巳未土爲穴合午爲
向庚辰土爲墓合酉爲向若午酉之間應爻并日

辰爻臨臨主金井
陽門向背不同

穴中爲世日衝開左右之穴相反。

穴臨巳未二爻世併日辰臨午爻。
分開左右之穴主穴道相反也。

穴道得山形之正重逢本象之生

龍山龍形虎山虎穴重逢本宮卦象
之生及動爻之生爲穴得山形之正。

世應把山水之關宜見有情之合。

世應臨水口之關爻若帶合主有關鎖有情之勢
如寅爲龍見亥則生頭角坐見火爲泄氣爲擺尾。

坐山有炁怕穴逢空廢之爻。

且如坎山所得申爻臨穴爲坎是水生申有氣最
怕爻臨廢神空亡之位若然逢此主棄毀不用也。

命逢生忌運入刑傷之地。

元吉生墓。要本生年得穴之生旺氣。山所有生旺之氣。忌山運與卦爻相尅相刑。尤忌傷刑本命爻。若山運與本命爻相生有氣爲吉。若遇空亡。却不怕空。反爲吉地。

青龍擺尾。就中途泄炁子孫白虎昂頭落處逢生身

父母。

若青龍臨子孫重重有氣。有擺尾之勢。與白虎同。若白虎爻遇父母爻重重生身者。必有昂頭之勢。

與青

龍同。

後來龍餘氣未盡有玄武吐舌之形

來龍併日辰入穴。明堂兼脫氣。爲玄武吐舌之形。或來脈不住。

前朝案動爻逢衝爲朱雀開口之象

朝山主爻發動併日辰逢衝
刑害主有朱雀開口之象

世坐勾陳之土局破坎田園。

世坐穴若勾陳之爻或
臨土局必是破坎田園

應臨玄武之水爻溝坑池井。

若應臨玄武之爻或併水
爻主有泉源溝坑之水

白虎在破耗之位古墓墳塋。

若臨月破白虎之位主是古舊墳塋
在歸魂卦或鬼飛入穴爲還魂葬地

螣蛇臨父母之爻加產業。

騰蛇爲索帶交加之象。父母爲文書契字。主重重疊買交加產業。

勾陳土鬼塚墓累累

勾陳戊巳土鬼。逢死絕之爻。爲古墓。遊魂鬼動。逢衝空。傍有改葬之地。日辰尅白虎穴爻。有崩頽之墓。青龍爻動。主有新墳。若歸魂飛入穴爻。主有還魂改葬之地。

玄武金神巖泉滴滴

全爲石。玄武爲水。主有滴瀝自出之泉。乘旺。主穴中有水。官有他井。白虎臨亥子水爻。亦主有水。或近泉巖。

青龍發動臨子孫。決主新遷

若青龍臨交爻動。或值子孫。必是遷。未遷之象。如飛起在穴。亦依此斷。

朱雀飛來帶官鬼。必然爭訟。

朱雀鬼併動爻日辰。或臨官符。主有爭訟事。尅應
得理。尅世失理。穴爻之內見朱雀官符官鬼等殺。
日辰飛入穴。
亦依此斷之。

應爻加水臨玄武。前有溪橋。

若應爻併木爻臨玄武。
逢衝尅主墓前有溪橋。

日辰衝土鎮螣蛇邊通道路。

螣蛇爲路。併日辰辰戌丑未之爻。與日辰動爻衝。
尅主近道路。又云。動爻帶來山日辰衝。日辰帶來
山動爻衝。爲應庫龍路。子午爲來山日辰帶殺。與
卯酉衝。卯酉爲來山子午衝。爲腰路。子卯見午酉
衝。午酉見子卯衝。爲曲尺路。破穴爲掃脇路。子爲
穴。丑亥見巳未衝。午爲穴。巳未見丑亥衝。爲柵械。

路辰酉見卯戌衝卯戌見辰酉衝為交叉路充穴
為當胸路衝馬為驛路橫直衝為十字路為四衝
路交為新路重為舊路震為大路長為邊路衝尅
穴爻為白虎帶索之類也又如子為穴爻巳動亥
為口辰亦為柵柵路辰為
穴爻卯日酉動為交加路

朱雀火爻發動厨庭炊爨之傍青龍財庫相生店肆

庫倉之畔

朱雀火爻發動臨財或朱雀空為厨庭烟竈之所
青龍為四墓逢財相生有氣為瓦舖酒肆若遇庚
申癸酉金丁酉
金為倉庫之畔

玄武世飛入穴暗地偷埋勾陳土動落空依山淺葬

玄武世爻併日辰動飛入穴主偷埋盜葬或者暗
地瞞人出殯勾陳土動或空或發動必是依山淺

葬也。

日合鬼爻有氣近神廟社壇之傍。

鬼旺有氣或臨青龍貴人與日辰相合主近神廟或古跡靈壇之所。

動臨華蓋逢空傍佛塔琳官之所。

華蓋穴爻鬼動逢空乘旺有氣主近寺觀若華蓋帶劫殺必爲匠藝人家有響應之聲。

世應逼左右之山欺穴龍虎磕頭。

世應在重龍重虎之位逢白虎寅爻爲龍虎磕頭。

交重併旬內之水傷身溝河插脚。

水爻動在日辰旬中居穴之前或日辰旬中之水併動爻居穴之前主有溝河插脚之水。

生生福合三傳上百子千孫。

福德逢穴父之生更在三傳之位相合有氣主有百子千孫。

重重墓在一父中三墳四穴。

六親世應日辰動父重重墓在一父之內主有三墳四穴鬼父動墓主始祖與父同太祖祖父同葬財鬼同墓始祖與祖同葬財父同墓土始祖與父同葬或公姑媳婦同葬陰為女陽為男財為太始祖妣又為子孫妻兒曾孫鬼世同墓父主家人同葬應鬼同墓父主外人同葬中間未能盡述臨應斷可詳

神不入墓遊魂之鬼逢空。

亡命作鬼逢空穴父化鬼父墓處逢空及臨避鬼主鬼不入墓遊魂鬼乃在外卦應父動空主窻外

死或葬他鄉空穴空墓主無埋葬之地若帶凶殺尅身必主惡死

鬼已歸山本命之爻逢合

亡命爻相生相合并鬼爻逢墓爲鬼已歸山主
竟安埋葬畢也外卦遊鬼動穴爻逢空墓在外
卦世爻主招竟安葬若在內卦應爻亦主附葬也

日帶應爻劫殺入穴劫塚開棺

日辰併玄武應爻帶殺飛入穴或動爻破穴破墓
主劫塚開棺衝尅亡命主暴弃尸骸世應并日辰
之殺動破穴爻主自家起墓開棺盜
財移葬若尅亡命必主暴露不葬

用併世象動爻尅應侵人作穴

用爲世爻併日辰動爻尅應主侵人墳地作穴動
與應爻併日辰尅世尅穴主他人侵自己墳地而

埋葬

客土動而墓爻合。擔土爲墳。

客土者。外卦土。應土是也。與穴爻墓爻發動。相合相生。主是擔土爲墳。或傍土爲左右臂。

朝山尊而穴法空。貪峯失穴。

朝山在貪狼貴人位。主前有貴峯聳秀。若穴空。主有貪峯失穴之象。苟或不空。却朝山聳秀之美乎。然貪狼乃長生也。

子孫空在日辰之後。穴在平洋。

子孫在日辰之後逢空。或勾陳親戌也。土爻。或爻在明堂寬大之地。多主平地作穴。

兄弟爻落世應之間。墳遷兩界。

世應同臨穴。父更有兄弟之父。或在世應之間。主墳遷兩界。或在日辰前後兩旬之父。依此斷。

日辰與動爻破穴破墓。定合重埋。世應併穴。道衝屍衝棺。當行改葬。

日辰發動衝破墓。父世應相尅。衝屍衝棺。或父化父。兄化兄。鬼化鬼。財化財。皆主重埋改葬。又云。金爲屍首。木爲棺。土爲墓。今仔細看。

重交生穴經營。非一日之功。

交重生穴。兩重爻發動。皆生穴。父併日辰。主加工用事。非一日之可成。

龍德臨財遷造。爲萬年之計。

青龍臨財。父子孫生旺有氣。與穴相合相生。土遷道之墳。美麗悠久。若逢四廢。神臨穴。必然措而無

也。

應飛入穴必葬他人。

如應父飛入穴父主外人同葬或是他人之地不然是他人舊墳邊。

煞動臨父凶逢小鬼。

凶煞犯亡人死絕之位更帶鬼尅之命主遇小鬼火土鬼帶日旬主瘟疫死金帶刃主刀兵死水鬼帶浮沉殺主水死木鬼併騰蛇勾絞殺主縊死金鬼白虎帶殺主虎口死旺金主勞死土鬼主咽喉脾胃黃腫死若衝主壓鬼死火鬼燒死熱症死或化葬木鬼衝刑主被物打死及跌撲死白虎持世鬼騰蛇鬼應父尅身穴主被人打死金未鬼帶三刑羊刃年月朱雀鬼符尅身主刑杖死金刃併專刃主自刎死可以逐類詳斷如胎生為稚子旺為中年人衰為老者然卯前為勾酉後為絞是殺。

犯天地四大空亡之煞骸骨不明穴遇三傳刑办之
空屍首有損。

甲午乙丑甲申乙亥甲戌乙酉壬子癸丑壬寅癸
未壬辰癸巳巳上乃天地空亡子午旬無水寅甲
不見金四位如四大空亡三傳乃太歲月建日辰
也三刑爭办且如巳卯日占得坤卦甲子亡命穴
臨上六癸酉金乃甲戌旬中空金乃甲寅旬之空
甲子天干日從乾上起順飛至乾乾遇得癸地支
子從坎上類起順飛至坎遇金住天干乃遇乾地
支遇坎乃乾中有壬坎中有子壬子乃天地空亡
又類至乾卦有甲坎卦有申乃甲申為空亡三傳
帶刑办凶殺傷尅本命六爻或又在日辰旬之空
亡主骸骨不明屍首有損乾宮卦無甲午只有壬
午壬申甲申甲午為天地空亡甲子旬中見水為
四大空亡命見乙酉穴見
巳丑亦是天地空亡也。

五空

乾

壬申 戌亥

兌

丁酉

艮

丙丑 寅

離

巳午

坎

戊子

坤

乙未 申

震

寅卯

巽

辰巳

逢衝逢尅怕犯凶神。

用爻爲凶神逢尅逢衝。或逢刑爲凶惡之兆。

相合相生真爲吉兆。

青龍福德爲吉神。相生相合。或扶或拱。爲吉處之兆。

爻生之子孫逢官逢貴。臨三傳必作官人。

穴生之爻臨子孫逢官星貴人。臨三傳生本命。作印綬主官職之榮。

穴中之象數合祿合財。若兩全當爲財主。

六臨旺氣有子孫財官爻在五爻下。若子孫相生相合。若財祿兩全。當積金寶之人。乃富家之子。

遊魂福德空衝主流蕩逃移。

子孫逢空衝併日辰一衝在遊魂卦主逃離之人。空亡主流蕩不歸鄉。若生旺見財貴吉神亦主廢離逃亡之人也。

惡鬼凶神變動見死亡凶橫。

白虎騰蛇凶神併鬼尅身世。為鬼神發動臨爻主凶橫死亡之橫禍。用爻帶凶神動變亦不為吉兆。

損父母子孫之財鬼解寡孤獨。

卦內父受損兼不上卦出孤兒。子孫受傷兼不上卦出傷絕。財爻受傷兼不上卦出寡婦。鬼爻受傷兼不上卦出寡婦。要指引明白不可槩論。

疊办刑鬼破之劫亡疲癯殘疾。

鬼臨破碎殺兼三刑六害疊办亡劫同尅用爻或乾坤宮主頭面喘急咳嗽小腸之疾坎宮主臂面兩耳小便氣血腰痛脇心之疾艮宮主鼻瘡手指腿足之疾震宮主骨足肝腿三焦笑言之疾巽宮主額鬢膝血氣風邪之疾離宮主脾胃癰疽眼目痛心驚心俱熱症陽火氣疾坤宮主肚腹嘔吐疾血瀉痢黃瘡之疾兌宮主口齒缺唇掀皮膚之疾金鬼乘旺勞嗽木鬼風邪火鬼熱症水鬼吐瀉土鬼黃浮腫之疾中問不可盡述依理推詳。

玄武遇咸池之劫殺既盜且娼青龍臨華蓋之空亡非僧則道

玄武無頭併劫殺拱位臨世爻在坎出奸盜或因盜至死玄武併咸池帶合主女墮風塵或淫奔也

爻併胎神乎尅
龍華蓋孤神值

胎產難之厄青
氣是為僧道類

月卦勾陳之土鬼瘟疫相侵

月卦是月將勾陳土鬼臨
世身爻主時災瘟疫相侵

陽宮朱雀之凶神火災頻數

朱雀怕臨火更在火位或
臨獨火殺主生火災之患

父母臨子孫之絕氣嗣後伶仃

父母以為孤殺且知子孫爻屬火火絕
在亥若父母臨亥爻動主後嗣伶仃斷

福德臨兄弟之旺宮假枝興旺

若子孫爻臨命或在兄弟爻臨
旺相自假宮來主假枝興也

動併旬中之凶殺立見災危。

劫亡刑刃喪弔月破等殺。在日辰旬中發動。若占者被衝刑傷尅身命。主見災危劫殺之事。餘倣此。

穴臨日下之進神。當臻吉慶。

進神者。甲子甲午。巳卯巳酉。爲進神。逢財福德。主人有財之興進。當得康寧。且如戊寅日占得巳卯。逢龍德財。福是也。

看已形之既往。察過去之未來。

觀可往可見之形。察吉凶過去未來之兆。無不驗。

事與世應互同。可見卦中之體用。

世爲體。應爲用。看體用發動。係于事體如何。方可詳斷。

動與日辰相應方知爻內之言凶

動爻與日辰互相副應則吉凶悔吝之事可見不
可拘執而斷古聖人之意未可發明此係進君子
之賢更宜斟酌
無差無悞矣

卜筮全書卷八十一

卜筮全書

卷八十一 黃今策四